



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessio Fidei Exhibita Invictiss. Imp. Carolo V. Cæsari
Aug. in Comicijs Avgvstæ. Anno M. D. XXX.**

Melanchthon, Philipp

Viteberga, 1542

VD16 C 4714

VI.

urn:nbn:de:hbz:466:1-35748

PRECIPVI.

damnamus, Abolent enim uerum usum uerbi Dei
& falso somniant sine uerbo Dei accipi spiritum
sanctum, & freti suis opinionibus comminiscun=
tur impia dogmata, & efficiunt infinitam diſipa=
tionem.

VI.

Item docent, quod cum fide reconciliatur,
necessario sequi debeat iusticia bonorum operam,
quæ Deus nobis mandauit, sicut & Christus pre=
cepit. Si uis in uitam ingredi, serua mandata. Sed
quia tanta est infirmitas humanae naturæ, ut nemo
legi satisfacere posse, necesse est docere homines,
non solum quod legi obediendum sit, Sed etiā quo=
modo placeat hæc obedientia, ne conscientiæ inci=
dant in desperationem, cum intelligunt se non sa=
tisfacere legi. Placet igitur hæc obedientia, non
quia legi satisfacit, Sed quia persona est in Chri=
sto reconciliata fide, & credit sibi reliquias pec=
cati condonari. Semper igitur sentiendum est, nos
consequi remissionem peccatorum, & personam
pronunciari iustum, id est acceptari gratis prop=
ter Christum, per fidem. Postea uero placere eti=
am obedientiam erga legem & reputari quandā
iusticiam, & mereri premia. Non enim potest con
b ij scientiæ

ARTICVLI FIDEI

Scientia opponere iudicio Dei propriam mundiciem, aut opera, sicut Psalmus testatur, Non intres in iudicium cum seruo tuo, quia non iustificabitur coram te omnis uiuens. Et Ioannes ait, Si dixerimus quod peccatum non habemus, ipsi nos seducimus. Si confiteamur peccata nostra, fidelis & iustus est, ut remittat nobis peccata nostra, Et Christus inquit, Cum feceritis omnia, dicite, serui inutiles sumus. Postquam autem persona reconciliata & iusta fide, id est, accepta est, placet & obedientia & reputatur esse quedam iusticia, Sicut Ioannes inquit, Omnis qui in eo manet non peccat. Et 2. Corinth. i. Gloria nostra haec est, testimonium conscientiae nostrae.

Ac debet haec obedientia repugnare prauis cupiditatibus & subinde spiritualibus exercitijs fieri purior, & cauere, ne quid committamus contra conscientiam, Iuxta illud, Summa legis est dilectio, ex puro corde & conscientia bona, & fide non ficta. Qui uero obtemperant prauis cupiditatibus & agunt contra conscientiam, uersantur in peccatis mortalibus, nec fidei iusticiam, nec iusticiam honorum operum retinent. Iuxta illud Pauli, Qui talia agunt, regnum Dei non possidebunt.

Item